



Weelekyi Kuuka Ule Iruvewu

Mwaria:
Watson Goodman

Nkyaruu — nkyambusha ndi

HELP FROM ABOVE

“HELP FROM ABOVE” is a collection of related verses of Scripture by subjects from various parts of the Bible. I believe the best commentary on Scripture is the Bible itself.

God's Word comes “from above” and is indeed very helpful to hearts that hunger and thirst after righteousness. When a person repents, forsakes sin, invites the Lord Jesus Christ to dwell in his heart, and believes with all his heart on the Lord Jesus Christ as Savior, the Lord will manifest Himself to him and impart His own joy and peace to the believer's heart. I experienced this in 1937 and have enjoyed wonderful fellowship with the Lord ever since. I urge you to surrender to Him as your Savior and Lord **NOW** if you have not done so already. **-Watson Goodman**

The Bible text used is from Kitabu kya Mma Shiyya 1972. Used by permission.

Kake ikunda lya Iruva sheeli likai lya itikunda ise lyalolika na baa lia Kristo atifiya ise tii-kee varekwa. -Varome 5:8

Kyasia ili kitaare kisuku kya Pasaka kyeemfikaa, Yesu eemanyaa sheeli kyeeri kyamwi kyamfika akwimboo kunu isangeñ aende kwa Nde. Nae sheeli andekunda iva vamwi kunu isangeñ, nkuro andevakunda kumande ifurumia.

-Yohane 13:1

Nta eefo ndu awore ikunda inini kita ito aniingiaa muu wamwi kiimba kya ndoo tamwi ndi. -Yohane 15:13

Fuukie na kwa Yesu Kristo a-kee nrambua ulya nsongori, ni ulya andebooka iwara muu eeukaa vafuñ, akee nnini wa mamangi a isanga. Ito atikundie na itikirā mareko eru na usao lwamwi. -Urambuyo 1:5

Nkuro Iruva akunda vandu kaotora Mwana wamwi ngitani, amu woose vankusuraa vatareke, kake vaniingwa muu utakisiaa. -Yohane 3:16

Ikunda lya Iruva lyammanyika kweru, ile anderuma Mwana wamwi ngitani isangeñ, amu tiniingwa muu yye.

-1 Yohane 4:9

Nkya dede kirisi kikee kinini kya windi. Nakyo nkya iki: "Uu andekworusa kwa vvili wa ndu, kairikiyo mMumuyo, kalolikia vamalaika, kakwaniswa kari ka vayavařumu, kakusurwa isangeń, karosio uniniń."'

-1 Timoteo 3:16

Ilyo mbooko llyo Kirero kiifoo. Na Kirero kiikee na Iřuva. Na Kirero kiikee Iřuva. Na Kirero kikaaruka vvili wa ndu kakaa kweru. Neese tikalolia unini lwamwi, ... eeshule uwoo na udede.

-Yohane 1:1, 14

Na kiteveto kikava kuro, naamu kifike kilya kindererwa ni Nndumi na kana ka mwauya

kisuku ulya eenumbuaa: Lla te sambura ikufingaa na iira mwana wa womi, na irina Iyamwi vavvaangaa Imanueli. Nkimwi na: Iřuva akee neese.

-Matayo 1:22, 23

Yesu kamwia: Nankaa neeni feeri fifile kuri, nawe nta ishi-manyanya, Filipino? Ulya anshilolia niń ammaa ilolia Nde. Naare kyavań ili kwanumbua: Toruse Nde? Niikai kutakusurie sheeli niń nsaangi na Nde na Nde nae kasaanga nań? Firero fi nkee imuia nkee ifirera kwa makusařo akwa meni ndi. nNde asaangi nań yye akee irunda mashořa amwi. -Yohane 14:9, 10

Ulya woose arambuaa sheeli Yesu mMwana wa Iruva, llyo Iruva akaa na ito, nae akaa na Iruva. -1 Yohane 4:15

Malaika kamwarua kamwia: Ni Mumuyo Nsongori akwolo-kiaa na finya ya ulya akee kwa ule ya findo foose ikusikiaa sha kirishwe. Kiimba kya ikyo ikyo kisongori kiiriwaa ni iwe kivaangwaa Mwana wa Iruva. -Luka 1:35

Ili eereraa kuro, lia eni irumbe likasha liivaramaa likavae-ndye nruve. Na ununga lukauka irumbeñ lia lwireraa: Uu

mMwana wakwa ninkundye nammusaua. Uu yye mumwara-nyaa! -Matayo 17:5

Lia eni vakaorongya nnu vee-
numbuaa: Nkiki toore nawe,
Yesu Mwana wa Iruva? Naare?
Kwansha ishetivavisa kitaare
kyeeri kyamfika? -Matayo 8:29

Nae kaarua kanumbua: Ni i,
Nndumi, amu nañ ninkusure?
Yesu kamwia: Kwammaa illo-
lia, na ulya akee irera nawe yye.
-Yohane 9:36, 37

Amu kari kamwi [Yesu Kristo]
ye mfo iloliekie mborā yoose ya
Iruva. -Vakolosai 2:9

Nae kavaia: Ini mumilie kunu si, niñ mmilie kulya ule. Ini mukée va isanga li, niñ nkee wa isanga li ndi. Yesu kavaia: Nkue nkue namuia: Ilyo kitaa-re Abraamu avva-fo, niñ nii-foo.
-Yohane 8:23, 58

Nka ulya kamwia: Niishi she-eli Mesia ashaa ulya avaang-waa Kristo. Nae ili ashaa yye atimanyisaa findo ifi foose she-eli fikai. Yesu kamwia: Nniñ ito nkee irera nawe.

-Yohane 4:25, 26

Yesu kavaia: Niñ nniñ nkate to wa muu! Nndu kasha kwakwa akiliwaa lingi nsoto ndi. Na ulya ashikusuraa niñ akiwarwaa nn-

yura nta nkonu umwi ndi. Llyo Yesu avaaia lingi: Nkue nkue namuia: Niñ nniñ mwaango wa yaka mburuñ.

-Yohane 6:35; 10:7

Yesu kamwia: Niñ nniñ nduti na muyamuu. Na nndu akusuranaa nañ na akwaa afwa, akaa na muu.

-Yohane 11:25

Ini mushivaangaa llosha na Nndumi. Neeni mwarera kinuru, amu nniñ ye.

-Yohane 13:13

Yesu kamwia: Nniñ shia yo na dede nniñ na muu nniñ. Ee-fo nndu afikaa kwa Nde kitaa-re ashiwore niñ ndi.

-Yohane 14:6

Kavavsa vandu vakaariswa rembo ifo mareñ. Kawaria mikate ilya iraanu na maku-nga alya avili. Kalla iruvewu kaana Iruva. Kafukyafukya mikate ilya kaniingya vana-losho na vanalosho vakandea-vya vandu. Vakalya woose va-kawuura. Vakaitirimu fibere-shu filya findesaa fikaishua mikusha ikumi na ivili. Na va-lya vandelya wwomi veefikyee fiku firaanu vateefo vaka na vana. -Matayo 14:19-21

Simon kamwarua kamwia: Nndumi, kio ki tindelala re-mbo barañ tiireiyaa nta iwa-

ra kindo. Kake kiimba kya kire-ro kyafu kwanshiia noolotaa mi-reyo yakwa mureñ. Neeli vata-na kuro, vakawara makunga me-engi na mireyo yawo ikarandu-ka. -Luke 5:5, 6

Neefo mfo midoñ ivili iikee re-mbo mbaai ya shia. Neeli vande-ita, sheeli Yesu akee iira, vakaro-sa ngyununga tawo veenumbu-aa: Wui Nndumi Mwana wa Da-vidi, tililye! Yesu...kavaia: Mu-furie mmutanye ki? Vakamwia: Nndumi, tifurie miso eru alolye. Yesu kavavavyo mmuu kavaba-ana miso awo. Lia eni vakalolya vakansora. -Matayo 20:30, 32-34

6 YESU MMUTANA ISANGA NA NNDUMI

Fulya findo foose fiifo ifo iruvewu na kunu isangeñ filya filoliekie na fitaloliekie, five fifumbi fa tikisi ana ngyumangi ana unini ana witoro findo ifi foose findetanwa kwa shia yamwi na kiimba kyamwi.

-Vakolosai 1:16

Na ngyulumi toose tirambue sheeli Yesu Kristo yye Nndumi na iitikisa Iruva Nde.

-Vafilipi 2:11

Iruva... Ifurumia lya mikonu ii karera neese na kana ka Mwana uu andenrwaa ave mu-

yadinu ya foose. Lingi yye andetana nae isanga lyoose.

-Vaebrania 1:1a, 2

Kyasia iva woose va numba ya Isiraeli vamanya ninsha, sheeli Iruva amaruwa Yesu to mundenkabia nsalabeñ ave Nndumi na Kristo.

-Varumi 2:36

Amu kwa ikyo nkyo Kristo afiya na iva lingi na muu, amu ashilie vafu na veefo na muu.

-Varome 14:9

Na Iruva wwa usuro, nae yye andemuvaanga mukaliana na Mwana wamwi Yesu Kristo Nndumi weru.

-1 Vakorinto 1:9

YESU KRISTO NI MFUKYA FIKWEENA WA VANDU WOOSE 7

Kake iwe naare? Nkiki ili kukee yumisia mwanamae wafo? Ana iwe naare? Nkiki ili kwilie mwanamae wafo? Amu ise ti woose tisalalaa mbele ya kifumbi kya uumisio kya Iruva.

-Varome 14:10

Narambua mbele ya Iruva na mbele ya Kristo Yesu ulya asheumisiaa veefo na muu na vamfwe niirambuaa sheeli ashaa lingi aseereese umangi lwamwi.

-2. Timoteo 4:1

Ili Mwana wa nndu ashaa akee na unini lwamwi aryani na vamalaika vasongori woose, Ilyo akaa rembo kifumbi kya unini lwamwi. Na vandu va ma-

sanga woose vasandyoo kisan-guñ kyamwi. Nae avaavanisaa sheeli mwisi asauaa maanri na suve.

-Matayo 25:31, 32

Amu Nde nta aumisaa nndu ndi, kake uumisio loose alurambikie Mwana.

-Yohane 5:22

Ifi fimanyikaa nkonu ulya ili Iruva aniingaa Yesu Kristo irambua firisi fifisi v vandu. Ii yyo nrumi shisha nndeniingio.

-Varome 2:16

Nae kativavasa toongoye vandu na iringisia, sheeli uu yye eenderioo ni Iruva ave mufukya myaandu ya valya veefo na muu na valya vamfwe.

-Varumi 10:42

Niin nniin mwaango. Nndu kaka na kwakwa kashaarua mwaango, ito akooyaa ikirwa na yaka na isomuka, nae akoo-yaa imutu. -Yohane 10:9

Yesu kamwia: Nniin shia yo na dede nniin na muu nniin. Eefo nndu afikaa kwa Nde kitaa-re ashiwore niin ndi.

-Yohane 14:6

Kiimba kya ikyo namuia: Mufiyaa marekon anu. Kwakooya mutakusuraa sheeli nniin ye, mufiyaa marekon anu.

-Yohane 8:24

Amu woose vvarekwa na yanguywa ntikisi ya Iruva. Vakee

itaaliq usumani kya ruu kwa ililia lyamwi, fulya vakee vata-ue ni Yesu Kristo.

-Varome 3:23, 24

Ili andemaa yawutiq, kaendee valya woose vankusurie iki-alya mirefe. -Vaebrania 5:9

Nae kiimba kya ikyo amakii ivakira den valya vasheaa Iruva veesalaliqo yye, fulya akee na muu kyeeri kilungani, amu avaterevie-wo. -Vaebrania 7:25

Nta eefo ungi ave i annde ikirwa ndi. Fulya liteefo irina lingi kwa si ya iruvewu likee ini-inge vandu lyantiwara ise ikirwa Ilyo. -Varumi 4:12

Kwamwi ye mfo mundeuka ini mukee va Kristo Yesu. Uu yye antitaniyo ni Iruva ave mutirangusa na mutisumanisa na mutisongovisa na mutikirā.

-1 Vakorinto 1:30

Na nkira uu yye akuniingia kiimba kyeru. Na kiteveto katanā kuro, naamu atitaue ukasheñ loose na itisangya atisangye mirima, neese tive vandu vamwi vatomari vawore mitanie minuru.

-Tito 2:14

Mwiaanaa na ifura Vaava uu andemuniinga imakii iwaria fuvā ya dinu ya vasongori va ifo kiremboñ kya langa. Nae andetiirua finyeñ ta llema katikaa-

risa umangiñ Iwa Mwana wamwi nkunde. Amu ye kwamwi toore itaulwa, llyo itio lya mareko.

-Vakolosai 1:12-14

Nawo veekee iimba kiimbo kiya veenumbuaa: Kusumani iwe iwaria kitabu ki na ifukya firingisio fayō, fulya kwansikywa kwauria Iruva vandu va ngyuriti toose na usao Iwafo na ngyufwari na makanika.

-Urambuyo 5:9

Muware ikundana, sheeli na Kristo andetikunda kakuniingia kiimba kyeru ave nsimbika wa kirasio kya kwa Iruva kiwore nrungo uwore kisaamu kinuru.

-Vaefeso 5:2

Alli naaren? Kwakooya usao lwamwi lwantiniinga usumani, tikirwaan yye se uumisio lutatikoooye? -Varome 5:9

Yye uu andetikumbia muu wamwi, amu tikirwa na iniinga itiq lya mareko liinani na wilingi lwa uwoo lwamwi

-Vaefeso 1:7

Amu ilu llo usao lwakwa luvaa mma shiia ya imwitanisa na Iruva. Lwiritwaa kiimba kya veengi vakooye itiq mareko awo. -Matayo 26:28

Neeni mwishi sheeli munda-
taulwa nta nna findo fikashaa
ndi sha fesa ana saabu, amu

muuke weendoñ lwanu lutasu-
mani mundewaria kwa vaande
yanu. Kake mwantaulwa na u-
sao lwa Kristo lwa uuru ande-
kuniingia sha ngarina ya yaan-
ri itawore ilomi ana ibaranga.

-1 Petiro 1:18, 19

Kake kwakooya tikee iruarua
langen sheeli ye akee langen,
tikee iliana ise ti veni na ti ve-
ni. Na usao lwa Mwana wamwi
Yesu lutisangyaa mareko woose.

-1 Yohane 1:7

Tiwore ifura lya iitikisa Iruv-
a tikuvavie na Nndumui weru
Yesu Kristo, fulya yye antiniin-
ga witanu alli. -Varome 5:11b

Amu mundekirwa ni uwo
lwa Iruva kwa shia ya inkusu-
ra. Na ikirwa li nkwanu lyukie
ndi, wwavi lwa Iruva muni.
Ana nta mmashora anu ndi, ka-
ara ndu atakushombe.

-Vaefeso 2:8, 9

Kyasia ili tansumaniswa kii-
mba kya ikusura Iruva, toore
witanu na Iruva. Na ulya atii-
tanisa na Iruva ni Nndumi weru
Yesu Kristo.

-Varome 5:1

Kyasia vakamwia: Titanaań
are amu timakii irunda masho-
ra wo a Iruva? Yesu kaarua ka-
vaia: Iva wwo mashora a Iruva
ni ikusura ito anderumwa yye.

-Yohane 6:28, 29

Kusure Nndumi Yesu Kristo,
nawe kukiaa andu emwi na va
numba yafo.

-Varumi 16:31b

Fulya ndu woose amiiriwa ni
Iruva avingaa isanga. Na kindo
kya ivinga isanga ni ikusura
lyeru.

-1 Yohane 5:4

Amu tikankaa na Kristo Yesu
irinwa ana ilea irinwa liwore
ngo ndi, kake ni ikusura lya i-
kusura Kristo lyawutioo ni i-
kundana.

-Vagalatia 5:6

Kake ii yantisirwa, amu muku-
sure sheeli Yesu nKristo Mwa-
na wa Iruva, na kiimba kya iku-
sura li mulolie muu mukuva-
vie na irina lyamwi.

-Yohane 20:31

Iruva eetikiswa akee Nde wa Nndumi weru Yesu Kristo. Yye Nde muni ililia na Iruva muwiriya muu. -2 Vakorinto 1:3

Nta nkiiimba kya mitanie yeru ikee minuru yyo yakangia katitania kuro ndi, kake nkiiimba kya ililia lyamwi muni. Nkyo atikiya eetisangyaa mirima tikava vandu vamiiriwa lya kavili vawore mikae miiya. -Tito 3:5

Amu Mwana wa nndu andesha ishekiya kilya kirekye. Mwalya are? Kwakooya eefo nndu awore mburu iyana na imwi ika-rika-wo, nae are atatia-wo tilya

makumi kyeenda na kyeenda ifo fiduruñ na yenda eende anderya ilya irekye? Ikava bule yamwi kaikooya, nkue namuia kya dede, afuraa kya mmwasi kita tilya makumi kyeenda na kyeenda titarekye. Mfo kuro kikai na mbele ya Nde yanu wa iruvewu, nae da akundye nta umwi wa iwo vannya vareke ndi. -Matayo 18:11-14

Aarafumwa Iruva akee Nde wa Nndumi weru Yesu Kristo andetililia na ililia lyamwi iingi katiira lya kavili tiware iverea linnde muu kiimba kya mirukie ya Yesu Kristo kwa vafu.

-1 Petiro 1:3

Na Mumuyo na sambura ilya ya wali vakee inumbua: Oresho! Na ulya aita*a* iki anumbue: Oresho! Na ulya aworwa nnyura ashe. Na alangie awarie mura wa muu kya ruu.

-Urambuyo 22:17

Na nkonu to wa imarisia kisuku ukee nnini kita ilya ingi Yesu kasalala-wo karera na ununga unini kanumbua: Ndu aworwa nnyura ashe kwakwa anwe!

-Yohane 7:37

Oresho*n* kwakwa ini mu woose muriikisy*o* mmikae yanu ya kivandu, na*n* mmuwiiryaa muu!

-Matayo 11:28

Na Yesu kamanya kavaturukia kavaia: Otor*e*n vana vashe kwakwa, manya mutaveemi! Amu valya vakee sha iwo umangi lwa Iruva llwawo. -Mariko 10:14

Na kyeeri kya imutu karuma nsero wamwi, andeia valya veekee vaarie nrumi: Oresho*n*, fose fammaa ideer*io*.

-Luka 14:17

Kyasia ise tikee varumi va ivaangia vandu Kristo, nkimwi sheeli Iruva ye muni akee ivai-kimba kwa kana keru tiireraa: Tamutereva ini na Kristo: Mwitani*swa* na Iruva!

-2 Vakorinto 5:20

Io llyo vakee ilolika valya vakee vana va Iruva na valya vakee vana va Satana: Ulya woose atatanaa fa usumani aukie kwa Iruva ndi, na ulya atakundie mwanamae mfo kuro da.

-1 Yohane 3:10

Amu woose vairio mbele mMu-muyo wa Iruva iwo wwo vana va Iruva. Amu mwanniingwa Mumuyo wa uketi muwarwa lingi wwerei ndi, mwanniingwa Mumuyo wa imwarua vana, nto akee itilosha iia tiinumbuaa: Wui Nde yeru! -Varome 8:14, 15

Amu muve va usuro na vasari mukee vana va Iruva vatawore ilomi kari ka kishuku ki

kya nkuushu. Kari kawo mulokie sha langa ikee imulika isanga ili.

-Vafilipi 2:15

Kwa ikyo Nndumi anumbua: "Somukeñ kari kawo, mulakaniswa nawo". Na lingi: "Manya mutabaani kindo kiravi, nañ mmuwariaa". Na lingi anumbua: "Vvaa Nde yanu, neeni muvaa vana vakwa va kiwomi na va kika". Mfo kuro Nndumi muni finya arera.

-2 Vakorinto 6:17, 18

Kake valya woose vandewwaria kavaniinga imakii lya iva vana va Iruva, wwo valya wakusurani na irina lyamwi.

-Yohane 1:12

Na mitanie ya kivvili imanyikie baa sheeli ikai. Nayoyyo ii: Wwaa isi na ukwe na uravi na irasia na findo fa usavi na sua na myaandu na iiria iriso na shuu ya nrima na nkuru na ikuraua na kyama kikasha na yaria ndari na unangwa na ulafu na findo fingi fifivakie. Sha lia namaa imuia mbele, mfo kuro nkee imuia lingi: Valya vatanaa findo sha ifo vakooyaa dinu ya umangi lwa Iruva ndi.

-Vagalatia 5:19-21

Tikaa na useli sha vandu vakee yenda nsanyiin. Nta luteefo ulafu ana inangwa, nta luteefo waaisi ana uravi, nta iteefo mya-

andu ana ureeree! Kake mukulunganise kutu na Nndumi Yesu Kristo, nta mutaishivise mivili yanu milangie mikasha!

-Varome 13:13, 14

Fulya akaa ave nnini mbele ya kisangu kya Nndumi, nta atanwaa mfinyo ana kindo kya inanga. Nae eeshurwaa Mumuyo Nsongori kuuka ndewuun ya mae.

-Luka 1:15

Neeni kulleen ninsha kaara mirima yanu itatanyariswa mfindo fa ndewu sha ilafuka na findo ana inangwa wwari ana ikwareesa na findo fa isanga li, kaara nkonu to utamushee kibashuka.

-Luka 21:34

**16 SIVATA YOSHENI (ITOSHIE) NDI IKUNURUSA LYO
YENI LIFILE NDI**

Na Yesu kamwia: Llyo ili: Kukupunde Nndumi Iruva wafo na ngoo yafo yoose na nrima wafo woose na makusaro afo woose! Ili llyo ivavaso inini na likee kwa ule. Liifo na ivavaso lingi livakani nalyo.

-Matayo 22:37, 38

Kyasia ili asomuka wooro aware shia, nndu umwi kanshea eerishaa kawwoya nunden kamwura: Llosha nnuru, nkiki ntanaa, amu nrwaa dinu ya muu utakisiaa? Yesu kamwia: Naamu ki kwashivaanga nnuru? Eefo nnuru kitaare ni umwi

tubu, nae ni Iruva. Kwishi mavavaso alya: Kutawaa, kutaaike, kutaive, kutafingie nndu ungi kindo atatanie, kutalembe, kwindie ndeo na maa! Kamwia: Llosha, ifi foose nafiwara kuuka utin lwakwa. Yesu kamulla koroo kankunda kamwia: Kwaanguyo nkindo kimwi: Enda kwandekumba foose kwore kwavie vakiva. Llyo kundevaa na masaa iruvewu. Kwammaa oreshon kushisore. Nae kalema kisangu kiimba kya kirero kyo. Kaenda anarie, fulya eeworee masaa meengi.

-Mariko 10:17-22

Manya mutakulembe: Iruva avaa iila ndi. Amu kilya ndu aveekia nkyo eelulaa.

-Vagalatia 6:7

Vana vakwa, manya ndu atamulembe. Ulya atanaa kisumani awore usumani sheeli nae akee nsumani. Ulya atanaa mareko wwa Satana, fulya Satana atanaa mareko kuuka mbooko.

-1 Yohane 3:7, 8a

Ana mwishi se sheeli varekwa sha iva vatakooyaa diinu ya umangi lwa Iruva? Manya mutalembike: Vaaisi nta vakooyaa diinu ya umangi lwa Iruva ndi ana varasia firasio ndi ana vaaika ndi ana valya vakee i-

suta uka ana uumi ndi ana varoko ndi ana manini ndi ani valanga ndi ana vanangwa ndi ana varuma ndi ana vasoka ndi.

-1 Vakorinto 6:9, 10

Veñ varundi va kirero, manya mutave vaaranya da, amu kuro mukée ikulemba mu veni.

-Yakobo 1:22

Amu kwakooya ndu akee ikudedera eenumbuaa: noore finya atawore, ankulemba ye muni.

-Vagalatia 6:3

Fulya veengi vashaa veekusendaa na irina lyakwa na inumbua: Nniñ Kristo. Nawo vatevetaa veengi.

-Matayo 24:5

Amu nkuri: Mareko andenn-dwa isangeñ ni ndu umwi, na ufu lukanndwa mmareko, na ufu lukashea vandu woose, amu vanderekio woose.

-Varome 5:12

Numa ilanga likanñina likee iira mareko. Na mareko akavvira akee iira ufu.

-Yakobo 1:15

Makusaro a mikae ya ndu yo meni annde ufu, kake makusaro ndu akee ikusara a mikae ya Mumuyo annde muu na unambwe. Fulya makusaro a mikae ya ndu yo meni awore kituva na Iruva, fulya atairikie mavavaso a Iruva ana amakii iirikia ndi.

-Varome 8:6, 7

Kake kitisenye tikyese na ifura, fulya mwananu eefiye karuka lingi. Eerekiee kalolika lingi.

-Luka 15:32

Amu mare a mareko ni ufu.

-Varome 6:23a

Kyasiañ kyeeri kyo wwavi ki mwakooya? Alli fimwendie usutu, amu findo fo mbusha yayo ni ufu.

-Varome 6:21

"Kake valya vakee veerei na vatakusurie na vaturua na vawaa na vaaisi na vasavi na valya vakee iindia fifu na va wongo woose fuva yawo ikee iruveñ lia likee yaka muro wa kibalabala. Ilu llo ufu lwa kavili."

-Urambuyo 21:8

Neeli andemaa irera kuro, karrera na ununga unini kavanga: Lasaro somuka na kunu wooro! Nndu ulya mfu kaso-muka na kulya wooro. Nae afingiefingie na firami marende na maako. Na kisangu kyamwi kisikie na kirami kya yangua nrike. Yesu kavaia: Mboromu-
eñ muntie aende.

-Yohane 11:43-44

Nkyo kikangio Nde kashiku-nda, fulya nanreka muu wakwa, amu nuuwarie lingi. Nta eefo nndu ashiusokaa ndi, kake nauniingia kwa ikunda lya-kwa shi muni. Noore finya ya

iuniingia. Noore na finya ya i-uwara lingi. Llyo ivavaso ndeliwaria lyuka kwa Nde yakwa.

-Yohane 10:17, 18

Kaserikia kiraa kilya kirie nnyina kakibaana na valya vakirie vakasalala. Kanumbua: Mwana nakwia: Kwimboo! Na ulya mfu kakwimboo kabooka irera.

-Luka 7:14, 15a

Niñ niikee mfu, a te nkee na muu alli na matika woose. Nañ noore finya ya yuta vandu u-fuñ na ya ivinga ufu.

-Urambuyo 1:18

Kituva kya ifurumia kiretwa-a ni ufu. -1 Vakorinto 15:26

A le llosha, ni ivavaso lingali likee inini ifo mavavasoń kita engi? Na Yesu kamwia: Llyo ili: Kukunde Nndumi Iřuva wafo na ngoo yafo yoose na nrima wafo woose na makusaro afo woose! Ili llyo ivavaso inini na likee kwa ule. Liifo na ivavaso lingi livakani nalyo. Llyo ili: Kukunde vandu vengi sheeli kukukundye ku muni!

-Matayo 22:36-39

Yesu kamwarua: Lya mbele llyo ili: Iwe Isiraeli aranya! Nndumi Iřuva weru ni Nndumi umwi. Nawe kunda Nndumi Iřuva wafo na ngoo yafo yoose na

nrima wafo woose na finya yafo yoose. Na lya kavili llyo ili: Kunda ungi sheeli kukukundie ku muni. -Mariko 12:29-31a

Sheeli Nde andeshikunda niń, nkuro nań nammukunda ini. Kaań na ikunda lyakwa! Mukawara mavavaso akwa mukaa na ikunda lyakwa, sheeli nań ndewara mavavaso a Nde yakwa nakaa na ikunda lyamwi. Namuia ifi, naamu ifura li lishiwore limwake mini na ifura lyanu lyawukie lyoose. Ivavaso lyakwa llyo ili: Kundaniń mu veni na mu veni, sheeli ndemukunda ini. -Yohane 15:9-12

Ana nta kiifo kindo kitane kitakee na baa mbele ya Iruva ndi, kake findo foose fikworusie na baa mbele ya miso amwi ito tiurwaa yye. -Vaebrania 4:13

Amu kiifo kindo kikee kirike kitatarambukaa ndi. Ana nta kiifo kindo kikee kifise kitamanika na baa ndi. -Luka 8:17

Iruva uu yye atana isanga na findo foose fiifo, amu ye ni Nndumi wa iruvewu na isanga. Nta akaa numba ta iterevia tantanwa na maako a vandu ndi. Ana nta arundioo kwa maako a vandu ndi ana nta kindo kintinye, amu yye aniingie woose muu na mumuyo na findo foo-

se. Nae yye andemilisa ngyuriti toose ta vandu kwa nkuuku umwi kavaniinga mwaanya wa ikaa masangeñ koose. Kavarwaya feeri fa muu wawo na miyanu ya firembo fawo. Yye uu a furie varuye Iruva, na kwakoo-ya vatangatanga vallolie. Lla kasa atakee kwaasha na nndu woose weru. Fulya kwamwi tiuta a muu weru na mikae yeru na foose tikee nafo. Sheeli na vaaria kiindi va kikwanu vandenumbua: "Neese tikee va ufwarilwamwi". -Varumi 17:24-28

Na lingi: "Nndumi eeshi makusaro a varango sheeli ni a ruu". -1 Vakorinto 3:20

22 UUMISIO LWA MIRERE KWA WATANA FIKASHA

Mwana wa nndu arumaa vamaalaika vamwi, nawo vasañirya misindara yoose yutwa ifo umangiñ lwamwi na iwo vataanaa fa nkuushu. Nawo vavaeeraa iriniñ lya muro. Na ifo kindeviaa-fo kiiyo na ifina kitaku.

-Matayo 13:41, 42

Kake iruvewu lya alli na isanga li fifisiyo muro kwa kirero kilya kya Iruva firingwaa kumande nkonu wa uumisio wa ireta vandu valya vandelea Iruva.

-2 Petiro 3:7

Na kwakooya uko lwafo ana urende lwafo fikwende misindara, fiminyi-fo kwalikumba neefo! Llyo ñwana ifika muuñ

kukee kisaya kitawore uko ana urende, kita ili kuvaa na maako avili ana marende avili kweerwa muroñ utakisiaa.

-Matayo 18:8

Nawo vakabwaa na imamisiyo lya mirere na ilakaniswa na kisangu kya Nndumi na unini lwa finya yamwi.

-2 Vatesalonike 1:9

Nawo veendaa vakaa na ukiva lutasiaa. Na valya va usumani wo veendaa vakaa na muu utakisiaa.

-Matayo 25:46

Na nndu ataare andekooywa atisiñie kitabuñ kya muu kakumbwa iruveñ lia lya muro.

-Urambuyo 20:15

Mfulya andeeria nkonu ashaa nato aumisie va isanga na usu-mani. Na uumisio lu kalurambi-kia nseŕo ulya andenduta kwa vafu kanrambuya vandu woose vautiewo inkusura.

-Varumi 17:31

Nndumi eeshi ikira vasumani nreyoń na iwo vatasumani eeshi ivafisia nkonu wa uumisio vakabwa.

-2 Petiro 2:9

Amu ise ti woose kyatiwara ti-manyike mbele ya kifumbi kya uumisio lwa Kristo, amu nndu woose atawa kilya andetana lia akee na vvili, akwaa fikee fisha ana akwaa fikee fikasha.

-2 Vakorinto 5:10

Ikunda Iya dede lisumanikie kweru, kwakooya tikee iverea nkonu wa uumisio na ifura. Fulya tikee kimwi na Yesu akee ifo iruvewu neese tikee kunu isangeń.

-1 Yohane 4:17

Nań nalolia vafu valya vanini na valya vannya vaselele mbele ya kifumbi kilya kya kiman-gi. Na fitabu fikarulwa. Kiifo na kitabu kingi nakyō kikarulwa, nkilya kya muu.

-Urambuyo 20:12a

Kyasia nkuro, nndu woose weru asalaliaa kyamwi ye muni kisanguń kya Iruva.

-Varome 14:12

Kake wavi lua lundeva sha ireko lia ndi. Amu kwankooya nkiimba kya ulya umwi veengi vandefwa, ni mmwasi nnu ililia lya Iruva na wavi lwa ililia lindenndwa ni ulya umwi Yesu Kristo lindekiya valya veengi.

-Varome 5:15

Kyasia kwakooya nkuro, nta nkwa finya ya ito afurie ndi ana nta ni ito akee irishia ndi, kake ni ulya aliliaa yye Iruva.

-Varome 9:16

Iruva aleaa vakuninisi, kake valya vakunyiisaa avaliliaa.

-1 Petiro 5:5b

Amu mwammanya ililia lya Nndumi weru Yesu Kristo she-

eli andeva nkiva kiimba kyeru, lla kasa eekee isimba, naamu ini mumakii iva masimba kiimba kya ukiva lwamwi.

-2 Vakorinto 8:9

Kake alya ireko lindenina wwo ililia likava iingi kya mmwasi. Amu sheeli ireko lindeitoro likande ufu, mfo kuro kwa shia ya usumani ililia liitoro kumande muun wa mirere lindenndwa ni Yesu Kristo Nndumi weru.

-Varome 5:20b, 21

Na varumi vakarambua iruka lya Nndumi Yesu na utomari unini. Nawo woose vakakundi vvanu.

-Varumi 4:33

Kyasia Iruva ameera feeri fi-
lya fa utondo lwa vandu mungo.
Kake alli akee irarika vandu
woose na vakava kwi vailashi-
ke mirima yawo.

-Varumi 17:30

Namuia: Nkuro ndi, kake kwa-
kooya mutailashikaa mirimiñ,
nkuro da mundemamiasa mu wo-
ose.

-Luka 13:3

Ilashikeñ mirimiñ yanu, fulya
umangi lwa Iruva lwansha ku-
fui.

-Matayo 3:2

Petiro kavaia: Kurreñ, na nn-
du woose abatisiq irina lyo lya
Yesu Kristo mukooye itiq lya
mareko anu. Neeni mukooyaa
wavi lwa Mumuyo Nsongori.

Alli kurreñ na iilashika miri-
ma yanu, amu fikasha fanu fu-
utwa fimuuke!

-Varumi 2:38; 3:19

Amu unario luukie kwa Iru-
va lunnde ikurra lyoore ikia li-
takiilashikaa. Kake unario luu-
kie isangeñ ili lunnde ufu.

-2 Vakorinto 7:10

Na Yesu kaia vandu valya: Niñ
namuia: Mfo kuro livaa ifura
kulya iruvewu kiimba kya nn-
du umwi nreti eelashika kita
vandu makumi kyeenda na
kyeenda vakee ikuvaanga va-
sumani vatafurie iilashika.

-Luka 15:7

Amu kwakooya mutiaa vandu vengi mareko awo, na Nde yanu wa iruvewu amutiaa neeni.
-Matayo 6:14

Ili Yesu andelolia ikusura lya-wo, kaia nndu ulya atoroko-mbye meengo: Mwanakwa kwammaa itio mareko afo.
-Mariko 2:5

Nawo vandu valya vateeshi Iruva vakwanisio mboni ya ikurra na ya itio mareko veekuva-vaa nae, nakyo kibookaa kunu Yerusalemu.
-Luka 24:47

Kimanyike kwanu sheeli kii-
mba kya uu [Yesu] mukee ikwanisio itio lya mareko. Nndu to

Iruva andenninisa na uko lwamwi usha ave nnini na nkira vandu, aniinge Vaisiraeli iilashika na itio lya mareko.

-Varumi 13:38b; 5:31

Lla niñ nselele mwaangoñ nikabakabaa yoondi. Nndu kaita ununga lwakwa na irua mwaango, naakaa kwamwi na ilyashoonga andu emwi nae, nae alyaa andu emwinañ.

-Urambuyo 3:20

Lingi veñ vandu vakuworie ndewu sheelwa ini mu veni na mu veni na vawore ililia mwikutiaa sheeli na Iruva andemutia akee na Kristo.

-Vaefeso 4:32

Amu ililia lya Iṛuva lyallolika lya ikira vandu woose. Nalyo likee itifunda tilakane na mikae yoose mikasha isule Iṛuva ya kunu isangeń. Na ikaa tikaa na useli na usumani na usha kyeeeri tikikee kunu isangeń ili. Na iva tive vandu vavereaa Yesu Kristo na ikusura. -Tito 2:11, 12

Manya mutave vaaroo va valya vatanaa mitanie ya llema itasenyie, kake varerień.
-Vaefeso 5:11

Manya mutafure isanga li ana filya fikee isangeń. Nndu kakuńda isanga li, ikunda lya ikun-

da Nde liifo kari kamwi ndi. Fulya foose fikee isangeń sha ilanga lya vvili na ilanga lya miso na ikushomba na masaa fo fuukie kwa Nde ndi, mfa kunu isangeń tubu.

-1 Yohane 2:15, 16

Kusaṛień kilya kikee ule, nta ifi fikee isangeń ndi.

-Vakolosai 3:2

Ini vaaisi, mwishi se sheeli iwara ndoo na isanga ni iva kituva kya Iṛuva? Kyasia ulya akundaa iva ndoo ya isanga akwarua kava kituva kya Iṛuva.

-Yakobo 4:4

Mukamanya sheeli Iruva wwa usumani, mumanyaa sheeli ulya woose atanaa kisumani amiiriwa yye. Tiishi sheeli ndu woose andeiriwa ni Iruva atanaa fikasha ndi. Kake ulya amiiriwa ni Iruva akuringaa, amu Nkasha ulya atambaani.

-1 Yohane 2:29; 5:18

Kake mwansangywa, lingi mwamiiliswa mukataaliyo usumani kwa irina lya Nndumi Yesu Kristo na kwa Mumuyo wa Iruva weru.

-1 Vakorinto 6:11b

Yesu kamwarua kamwia: Nkue nakuia kya dede: Kwa-kooya ndu atairiwaa lya kav-

ili, amakii ilolia umangi lwa Iruva ndi.

-Yohane 3:3

Kiimba kya iki ndu kankaa na Kristo avva ndu mwiya. Famwi fa mbele famiira, Ila te foose favva fiiya.

-2 Vakorinto 5:17

Fulya mwamiiriwa lya kavili nta nna mbeu ikashaa ndi, kake nna ilya itakashaa, nkyo kiro kya Iruva kiwore muu kika kumande mirere.

-1 Petiro 1:23

Inini lishaa-fo ndi kita lyasha iiva na isikya na ireta. Niñ nndesha amu nato tikooye muu na findo fitifile na fa mmwasi.

-Yohane 10:10

Yye muni akurika mareko eru kaarosia kiriń kya nsalaba andu emwi na vvili wamwi, amu ise tilakaniswa na mareko na ikaa tikaa na muu wa iŖundia usumani. Mfaasha famwi findemukiŖa ini. -1 Petiro 2:24

Kyasia kwakooya mwandutwa andu emwi na Kristo, Ŗuyeń kilya kikee ule kundo Kristo akai akee rembo uko usha lwa IŖuva. Kusariń kilya kikee ule, nta ifi fikee isangeń ndi. Fulya mwamfwa na muu wanu ufisiu andu emwi na Kristo ifo kwa IŖuva. Neeli Kristo alolikaa akee muu weru, llyo neeni mu-

lolikaa andu emwi nae uniniń. -Vakolosai 3:1-4

Na iwo vakee va Kristo Yesu vammaa yumisia filya fa kivvili andu emwi na makusaŖo ayo makasha na ilanga lyayo. Kwakooya mMumuyo atiniinga muu, kyasia neese tiware weendo lusumani na Mumuyo.

-Vagalatia 5:24, 25

Wode! Ise tamfiya mareko tikuwaraań are lingi na mareko? Mfo kuro ini neeni kutaalień sheeli mukee vandu vavvia mareko vafu, na muu wanu muwo-re Ŗundień nato IŖuva mwikuvavaa na Kristo Yesu Nndumi weru. -Varome 6:2, 11

Fulya ulya akusuranaa na makusaro amwi wo meni akooyaa ureti, kake ulya akusuraa usu-mani luukie kwa Mumuyo akooyaa muu utakisiaa.

-Vagalatia 6:8

Na sha lia Mose avanika shoka ilya kulya bateñ, mfo kuro kyawara Mwana wa nndu avanikwa, amu nndu woose akusurani nae atareke, kake aningwa muu utakisiaa.

-Yohane 3:14, 15

Na muu uu wa mirere ni ikumanya iwe sheeli ni iwe kukee Iruva wa dede, na ito kunrumie yye Yesu Kristo.

-Yohane 17:3

Ulya akusuraa Mwana ito avaa na muu utakisiaa. Na ulya atarikiaa Mwana akooyaa muu kutu ndi, kake uvave lwa Iruva lulunganaa nae.

-Yohane 3:36

Kake wavi lwa Iruva mmuu wa mirere wanndwa ni Yesu Kristo Nndumi weru.

-Varome 6:23b

Nkue nkue namuia: Nndu akee yaranya kirero kyakwa na ikusura ito ashirumie awwaria muu wa mirere na mirere, nta akiumisioo ndi. Fulya ansomuka ufuñ kafika muuñ.

-Yohane 5:24

Mumuyo to muni andu emwi na mumuyo uu weru akee itirambua sheeli tikee vana va Iruva. -Varome 8:16

Na mirambuye yyo ii sheeli: Iruva antiniinga muu wa mirere, nato mmuu Mwana wamwi auwore. Ulya akuwore na Mwana awore muu ito. Ulya atakuwore na Mwana wa Iruva awore muu uu ndi. Ifi namutisiŕia ini mukusurie irina lya Mwana wa Iruva, amu mumanyi sheeli muwore muu wa mirere.

-1 Yohane 5:11-13

Nndu awara mavavaso akwa na yaindia ito yye nndu ashikundie. Na nndu ashikundie

niñ, ito akundwaa vVaava wakwa. Na akwaa nniñ ninkundaa na inkworusa na bata

-Yohane 14:21

Kyasia mwavva vana nkyo Iruva aruma Mumuyo wa Mwana wamwi aake mirimiñ yanu, ito avaangaa: Aba, nkimwi na Vaava.

-Vagalatia 4:6

Kuro tamanya si eeli tikee nae, nae akee neese, fulya antiavia Mumuyo wamwi.

-1 Yohane 4:13

Na kunu mfo timanyiaa sheeli tammanya Iruva, kwakooya tikee iwara mavavaso amwi.

-1 Yohane 2:3

Na alli nkee ishañ na kwafo, na firero fi nafirera nkee kunu isangeñ, naamu vakaa na ifura li lliwore, nalyo liishue ifo mimiñ yawo. -Yohane 17:13

Amu umangi lwa Iruva mmiliye ana minuiye ndi, kake ni usumani na unambwe na ifura fikee iniingwa mMumuyo Nsongori. -Varome 14:17b

Neeni alli moore unaari. Kake mmuloliaa lingi na ngoo tanu ti kyesaa na ifura lyanu eefo nta nndu amusokaa ndi. Kumande nnu nta kindo mwankitereva kwa irina lyakwa ndi. Tereveñ amu muniingwaa, na ifura lyanu liishue bele. -Yohane 16:22, 24

Lingi nniñ ndi nkee na muu, kake ulya akee na muu kari kakwa nKristo. Amu muu uu wa vvili nkikee nato nuuwore niikukuranaa na Mwana wa Iruva uu andeshikunda kakuniingia kiimba kyakwa.

-Vagalatia 2:20

Namuia ifi, naamu ifura li lishiwore limwake mini na ifura lyanu lyawukie lyoose.

-Yohane 15:11

Nae munkundie kitaare mullo lie mukankusura ateefo kisan guñ kyanu. Kwa ikyo mukabaa nndoro mwiwarwaa ni ifura litavaa isenda likee iilise.

-1 Petiro 1:8

Amu valya vamiita mavavaso vakee vasumani mbele ya Iṛuva ndi, kita valya vaindiaa mavavaso a Iṛuva wwo vataaliḡ sheeli vvasumani.

-Varome 2:13

Mwishi se kasa kikai? Kwakooya mwakuarua maketi a iirikia ndu, mwavva maketi a ulya mumwirikiaa kive kya uketi lwa mareko lunndee ufu, kive kya uketi lwa windi lunndee usumani. -Varome 6:16

Na imuwiiṛia ini mukee iturulwa muu andu emwi neese, ili Nndumi Yesu alolikaa na baa

auka iṛuvewu ariani na vama-laika veni finya. Na iva avaa sha kibalabala kya muro eetaa kimini kwa valya vateeshi Iṛuva na valya vataindiaa nrumi shisha ya Nndumi weru Yesu. Nawo vakabwaa na imamisiḡ lya mirere na ilakaniswa na kisangu kya Nndumi na unini lwa finya yamwi.

-2 Vatesalonike 1:7-9

Vva ngoma valya vawaraa mavavaso amwi, amu vakooye fuva yawo ya nri ulya unnde muu na muumu wa iira mbengeṅ tilya vafike muṛiṅ ulya.

-Urambuyo 22:14

Na ngyulumi toose tirambue sheeli Yesu Kristo yye Nndumi na iitikisa Iruva Nde.

-Vafilipi 2:11

Kyasiañ ulya woose ashirambuaa mbele ya vandu, nañ ni-
nrambuaa mbele ya Vaava wa-
kwa wa iruvewu. Na ulya woo-
se ashikanaa mbele ya vandu,
nañ ninkanaa mbele ya Vaava
wakwa wa iruvewu.

-Matayo 10:32, 33

Ulya woose arambuaa sheeli
Yesu mWana wa Iruva, llyo I-
ruva akaa na ito, nae akaa na I-
ruva.

-1 Yohane 4:15

Kiimba kya iki kwanrambua
Yesu Kristo na kana kafo shee-

li yye Nndumi na ikusura na nri-
ma sheeli Iruva andenduta kwa
vafu, kukiaa. Amu kwammuku-
sura na nrima kuniingwaa usu-
mani, kwammurambua na ka-
na kukiaa.

-Varome 10:9, 10

Ulya woose akanaa Mwana a-
wore Nde ndi. Ulya arambuaa
Mwana awore na Nde.

-1 Yohane 2:23

Amu nndu woose airaa sonu
kiimba kyakwa niñ na kya fire-
ro fakwa, na Mwana wa nndu
airaa sonu kiimba kyamwi, ili
ashaa akee na unini lwamwi
na lwa Ndee na lwa vamalaika
vasongori ifo iruvewu.

-Luka 9:26

Sisirieñ mulale rembo, fulya nkituva wanu Satana akee iřu-ařua sha miiso iiruñunaa kařua nndu amakii immiřa. Uu ku-mwumiseñ mwikuwaraa na iku-sura. -1 Petiro 5:8, 9a

Numa Yesu kakurikwa mMu-muyo wa Iřuva bateñ, amu an-deelelyo-fo nSatana. Yesu ka-mwia: Shuuka Satana! Amu nkisisiře: Kuñinise Nndumi I-řuva wafo na inkusura ye mu-ni. Llyo Satana alakana nae. Na vamalaika vakanshea vaka-ndundia. -Matayo 4:1, 10, 11

Kya ifurumia, vanavama, nde-foñ kutomiriseñ kwa finya ya Nndumi ikee nini, fulya mukee

vamwi. Raañ fiya foose fa Iřu-va, amu mumakii ikukinga na-fo mitambwe ya Satana.

-Vaefeso 6:10, 11

Amu fiya feru tirie fa ikabana mfa kivandu ndi, kake foore fi-nya yukie kwa Iřuva ya ifukya-fukya singiri shuumu na mita-mbwe. -2 Vakorinto 10:4

Ini mukee va nde yanu, nae nSatana. Na filya nde yanu al-angie mfo musenywa ifitana. Ye eekee wwaa vandu kuuka mbele, ana nta akuwore na u-dede ndi, fulya ye atawore u-dede nrimiñ wamwi....Amu ye wwa wongo kava na ndee wa wongo. -Yohane 8:44

Kyasia ili vana vawore vvili na usao, na akwaa yye mfo kuro da andekuwara nafo, amu avinge na ufu lwamwi ulya eetoŕio ufu yye Satana.

-Vaebrania 2:14

Ulya atanaa mareko wwa Satana, fulya Satana atanaa mareko kuuka mbooko. Nkyo kii-mba Mwana wa Iŕuva kalolika, amu afukye mashoŕa a Satana.

-1 Yohane 3:8

Kuvarue miso awo vatie llema vashe langen, vauke ushiliń lwa Satana vaarukie Iŕuva. Kuro vakooŕye itio lya mareko awo na dińu kari ka iwo vamiiliswa veshikusuraa niń. -Varumi 26:18

Alli uumisio lwa isanga li lwa-awukia. Alli mwitoŕo wa isanga li aburuswaa aliuke.

-Yohane 12:31

Ni i naań atirauaa na ikunda lya Kristo? Mmavavio ana nngatara ana ni yumbutwa ana nso-to ana ni yenda kuri ana nkitani ana nshombo? Kake ngyukiveń iti toose tikee yengeria ivinga tielekiŕo ni ito atikundie ise.

-Varome 8:35, 37

Kyasia irikień Iŕuva. Leeń Satana nae amurishaa. Serikień Iŕuva, nae amuserikiaa ini.

-Yakobo 4:7, 8a

Kwakooya narera na ngyulumu ta vandu ana ta vamalaika ntaare ikunda, nkee sha minya ikee yona ana sha nkongo ukee irera. -1 Vakorinto 13:1

Kake findo Mumuyo avikie mfo ifi: ni ikunda na ifura na unambwe na isisiria na usha lwa nrima na usongovisi na ikusurana na uwoo na kirengo.

-Vagalatia 5:22, 23a

Kwakooya ndu anumbua: Nkundie Iruva kasua mwana-mae wamwi, ito ni ndu wa wongo. Fulya ndu atakundie mwanamae wamwi allolie, akunda are Iruva atallolie?

-1 Yohane 4:20

Kamwura lingi lya kavili: Simon wa Yohane, kushikundie? Petiro kamwia: Ee Nndumi, kwishi sheeli nkukundie. Na Yesu kamwia: Isa mburu takwa!

-Yohane 21:16

Kwakooya mushikundie, mwindingie mavavaso akwa.

-Yohane 14:15

Kindo vandu woose vamuman-yaa nakyu mwavva vanaloso vakwa ni ikundana, kwakooya mwakundana ini mu veni na mu veni.

-Yohane 13:35

Amu ikunda Iruva ni iwara mavavaso amwi. Na mavavaso amwi mmeemeru ndi.

-1 Yohane 5:3

Ili Yesu andemaa iruka ngama kio ya nkonu wa mbele usorie Sabato, kakworusa lya mbele Maria Magidalena.

-Mariko 16:9a

Ili mikonu nyaanyi indesia, vanaloshi vamwi veekusandiee lingi numba ilya sheni na Toma eekee andu emwi nawo. Lia eni Yesu kasha alya vakai, na numba iirayee. Kasalala kari kawo kavaia: Kaañ na unambwe! Numa kaindukia Toma kamwia: Oresho lla maako akwa! Baana na fiwoŕo fakwa na nni wafo! Nnde na uko lwafo kubaane nalo kiwoŕo kya uvari lwakwa! Kutakive mushinu-

nua, kuve mushikusura! Toma kamwarua kamwi a: Ee Nndumi, ni iwe Nndumi wakwa na Iruva wakwa!

-Yohane 20:26-28

Neese tikee varambua va filya foose andetana urukeñ lua lwa Vayuda na kulya Yerusalemu. Na Yesu uu vakawwaa vakankabia nsalabeñ. Kake Iruva kanduta nkonu wa kararu kamworusa na bata. Kake nkwa vandu woose ndi kita ise tikee varambua veensaulwaa ni Iruva. Neese tikalya nae na inwa andu emwi nae kyeeri kilya ili andemaa iruka kwa vafu.

-Varumi 10:39-41

Kishaa kyeeri na akwaa ni ali kiifo da, ili vafu vaitaa ununga lwa Mwana wa Iruva, na valya vaitaa vavaa na muu. Manya mutariikiswa ni ifi! Amu kyeeri kishaa na vandu woose valele mbangeñ vaitaa ununga lwamwi, nawo vakwimboo-fo. Na valya vandetana finuru varuke vakooye muu. Na valya vandetana fikasha varuke vakooye uumisio. -Yohane 5:25b, 28, 29

Mwishi se sheeli ise tabatisio Kristo Yesu tikee vabatisie ufu lwamwi? Kyasia tarikwa andu emwi nae ufuñ lwamwi kwa shia ya ubatiso, amu sheeli Kristo anderutwa kwa vafu kwa

shia ya unini lwa Ndee, mfo kuro neese tirue tirie muu mwiya. Amu sheeli tindelungio ufu lua lwamwi, mfo kuro na iruka lyamwi tililungioo.

-Varome 6:3-5

Na Kristo kankaa kari kanu vvili wanu ukooyaa ifwa da kiimba kya mareko, kake mumuyo wanu ukee na muu kiimba kya usumani. Kake kwakoooya Mumuyo wa ito anderuta Yesu kwa vafu akee kari kanu, ito anderuta Kristo kwa vafu arutaa na mivili yanu ikee mi-kaeñ ya ufu kwa finya ya Mumuyo wamwi akee kari kanu.

-Varome 8:10, 11

Fulya ansengera vandu vamwi na ivakira... atiniingaa ise tikie maakoń a fituva feru na indundia titawore werei, tikaafotikee na usongovisi na usumani kisanguń kyamwi mikonu yoose ya muu weru.

-Luka 1:68b, 74, 75

Kyasia vakunde vakwa, fulya toore firekio ifo, tikwilise mirima yeru kyoo kyoose kya vvili na kya nrima, kuro llyo yawutia usongori na yerea Iruva.

-2 Vakorinto 7:1

Kyasia lingi tamutereva, muře vanavama, na imufunda, amu mukee va Nndumi Yesu: Mwengerie utomari na irunda

sheeli tammullosha ikaa na irunda na isenya Iruva. Mwishima vavaso alya tamuniingia ise, neese taaniingio ni Nndumi Yesu. Na mifurie ya Iruva yyo ii: Kusongoviseń ngoo mwiwukane na waaisi. Ndu woose wanu akufunde isaua nka wamwi na insongosia na inninisa. Amu Iruva antivaangia ukwe ndi, kake antivaanga tive vailise.

-1 Vatesalonike 4:1-4, 7

Kake sheeli ulya andemuvaa nga akee nsongori, mfo kuro neeni veń vasongori weendoń lwanu loose. Amu nkitisiře: "Muve vasongori, fulya niń nkee nsongori". -1 Petiro 1:15, 16

Nkyo kiimba na Yesu kalisio ukiva wooꝛo ya mbenge ya muri (Goligota), amu ailise vandu vamwi na usao lwamwi weni.

-Vaebrania 13:12

Fulya Iruva atisaua andu emwi nae ilyo kitaare isanga lyan-tanwa, amu tive vasongori kisanguń kyamwi ateefo malomi. ...Iwore usumani na usongo-visi lwa dede.

-Vaefeso 1:4; 4:24

Narera kwa mikae ya kiva-ndu kiimba kya utanyari lwa mivili yanu. Amu sheeli mwaniingia meꝛo anu akava masinga a itana fa kirinda na fa ureti, mfo kuroń na alli niingi-

eń meꝛo anu ave masinga a usumani mukooye iiliswa!

-Varome 6:19

Kake kwakooya tarambua mareko eru, ye wwa mma na nsu-mani atitie mareko na itisan-gya ukasha loose.

-1 Yohane 1:9

Kyasiań findo fo fimamiaa fo-ose, a weendo lwanu naare mulutanaa, amu luve usongori mwikusuraa Iruva?

-2 Petiro 3:11

Ruyeń utomari lwa iva na u-nambwe na vandu woose na u-songovisi, amu nta ndu umwi aloliaa Nndumi kitaare alu-wore.

-Vaebrania 12:14

Kyasiañ kwakooya ini, muke-e varekwa, mwishi iniinga vana vanu findo fisha, nkilanya se Nde yanu wa iruvewu aningaa valya vakee intereva Mumuyo wamwi Nsongori?

-Luka 11:13

Neeli vandemaa itereva Iruva, andu alya veekusandiee akareremiswa vakaishurwa woose Mumuyo Nsongori vakaongo-ya kirero kya Iruva na baa.

-Varumi 4:31

Kake ini mukikee va mikae ilya ya ndu meni ndi, mwavva va mikae ya kwa Iruva, kwakooya Mumuyo wa Iruva akee

kari kanu. Amu ulya atawore Mumuyo wa Kristo, avva ndu wamwi ndi.

-Varome 8:9

Kake ini muniingwaa finya ili Mumuyo Nsongori amusheaa. Neeni muvaa varambua vakwa.

-Varumi 1:8a

Amu eekee ndu nnuru eeshule Mumuyo Nsongori na ndu wa ikusura.

-Varumi 11:24a

Na vanaloshu valya vakaishua ifura na Mumuyo Nsongori.

-Varumi 13:52

Ana manya mutanangwa wwarri, amu uretaa weendo usha, kake veñ vandu veeshue Mumuyo wa Iruva.

-Vaefeso 5:18

Yesu kamwia: Ili kwanumbua: Kwakooya kumakii! Manya findo foose fivaa kwa ulya akusuraa. -Mariko 9:23

Mure vakunde, manya mutariikiswa mmaturulo amuwoya na imuvavisa sha muro, sheeli mfindo mutamakii ifimanya, mfindo fa imwelelia da. Fureñ! Amu mukantañaria maturulo na Kristo mufuraa kya mmwasi na ikaba mindoro, ili unini lwamwi lulolikaa. -1 Petiro 4:12, 13

"Nae aanguaa masoru woose mison' awo. Ana ufu lukivaa-fo

lingi ndi ana unari ana kiiyo, ana mavavio akivaa-fo lingi ndi, amu findo filya fa mbele fammaa iira." -Urambuyo 21:4

Bookeñ ilanga lya mbele umangi lwa Iruva na usumani lwayo, na filya fingi foose muniingwaa. -Matayo 6:33

Na ivalosha muvaloshe iwara filya foose ndemuvavasa. Nañ nkaa andu emwi neeni mikonu yoose kumande isanga lisiaa. -Matayo 28:20

Nkee imakii findo foose nkee na ito ashiniingie finya, yye Kristo. -Vafilipi 4:13

Amu fulya andeturulwa ye muni eereywaa, amakii yelekia valya vakee irevwa.

-Vaebrania 2:18

Nae Iruva muni unambwe avariavariaa Satana kwa si ya marende anu ree. -Varome 16:20a

Nta mwankooya kyelelio kiki lie finya tanu ndi kita kilya kikee kya mwina wa kinndu. Kake Iruva wwa usuro amutiaa mukooye kyelelio kikilie finya tanu ndi. Kake andu emwi na kyelelio kilya mwelelioo aorusaa na mwaango wa isomuka, amu mumakii isisiria.

-1 Vakorinto 10:13

Neese tiishi sheeli findo foose Iruva aaviaa valya vankundie fivaviaa fa usha foose, nawo vvalya vandeavaangwa kasa andevarengia. -Varome 8:28

Fulya titawore nrasia nnini atamakii ivavio mmuu kya ng-yutanyari teru, kake andeelelio findoñ foose sheese, nta ivingwa mmareko. -Vaebrania 4:15

Wwa ngoma ndu asisiriaa mireyoñ. Amu kammaa ivinga aniingwa muu utakisiaa uve uvingo lwamwi lua Iruva anrekia valya vankundaa.

-Yakobo 1:12

Ulya avvinga arwaa ifi five dinu yamwi. Nañ vvaa Iruva wamwi, nae avaa mwana wakwa. -Urambuyo 21:7

Ulya avingaa kuro avikwaa miseto myeelwa, ana nta nuutaa kutu irina lyamwi kitabuñ kya muu ndi. Nañ nrambuuaa irina lyamwi mbele ya Nde yakwa na mbele ya vamalaika vawmwi. Ulya avingaa mmwaruuaa ave ngo ifo numba ya Iruva wakwa, nae akiukaa-fo lingi ndi. Nañ ntisiriiaa-wo irina lya Iruva wakwa na irina lya muñi wa Iruva wakwa, nto Yerusalemu ilya shiia yolokaa iruvewu yukie kwa Iruva wakwa. Na a-

kwaa ni irina lyakwa ntisiriiaa-wo lia iia. -Urambuyo 3:5, 12

Ulya avingaa ninkaarisa rembo andu emwi nañ kifumbiñ kyakwa kya unini, sheeli nañ nndevinga nakaa rembo andu emwi na Nde yakwa kifumbiñ kyamwi kya unini.

-Urambuyo 3:21

Ulya awore marwi aaranye kilya Mumuyo akee iia siri ti: Ulya avingaa, ninningaa nunda ta nri wa muu ukee ifo Paradiso ya Iruva. Na ulya avingaa kava mulla mitanie yakwa kumande ifurumia ninningaa miitorio ya iitorio vava varumu.

-Urambuyo 2:7, 26

46 KASA IRUVA ATIIYA KYA NNDUMI NA NKA ILAKANA

Kake valya vammaa ikwalikia navavavasa, ana nta nniń ndi, kake ni Nndumi: Manya nka atalakane na mmi wamwi. Kake kwakooya allakana nae, a-kaa kuri manya atakialikwa ana akwitanise na mmi wamwi. Lingi mmi manya atalakane na nka wamwi. Nka afingie ili mmi wamwi akee na muu. Kake kwakooya mmi wamwi amfwa, mmwotore aalikwa ni nndu woose ulya amfurie, kive kari ka Nndumi da.

-1 Vakorinto 7:10, 11, 39

Amu nka awore mmi afingio mmi ulya ni ivavaso kyeeri a-

kee na muu. Kake mmi ulya kamfwa, amboromulwa ivavasoń lia lyamwi. Kyasia kyeeri mmi wamwi eefo na muu kwakooya ava na mmi ungi avaangwaa mwaa isi. Kake mmi wamwi kamfwa amboromulwa akifingio ni ivavaso lyo ndi. Nta akivaa mwaa isi kwakooya aalikwa ni nndumi ungi ndi.

-Varome 7:2, 3

Kake niń namuia: Ulya woose alakanaa na nka wamwi kitaare nkwa mboni ya waaisi amwarua kava mwaa isi. Na nndu kaora nka ulya andetio ni mmi amaaika.

-Matayo 5:32

Na alli nkee yenda nndemu-songosia firembo da. Kake nu-uyaa lingi nshemukurika kwa-kwa, mundekaa alya niñ nkai.
-Yohane 14:3

Na io llyo ilolika myorusye ya Mwana wa nndu iruvewu. Llyo ngyufwari toose ta isangeñ tii-shiraa, ili valolyaa Mwana wa nndu eeshaa na marumbe auka iruvewu akee na finya na unini.
-Matayo 24:30

Amu nndu woose ashiiraa sonu na firero fi fakwa kari ka kishuku ki kya waaisi na mareko, na Mwana wa nndu amwiri-riaa sonu, ili ashaa na unini lwa

Ndee andu emwi na vamalaika vasongori.
-Mariko 8:38

Mure vakunde vakwa, alli ti-kee vana va Iruva, kake kilya kitiviaa numa kyallolika ndi. Kake kimwi tiishi: Ili Kristo alolika, tivakanaa nae, fulya ti-loliaa mikae yamwi sheeli akee. Ulya woose awore ikusurana li nae ito akwilisaa nrima sheeli Yesu akee mwilise.

-1 Yohane 3:2, 3

Ili Mwana wa nndu akaa ashe aree unini lwa Ndee andu emwi na vamalaika vamwi, llyo as-heavyaa nndu woose kiinaani na mitanye yamwi.

-Matayo 16:27

Nakyo kusureñ kutu, amu iruvewu na isanga fo fisiaa, kake firero fakwa fo fisiaa kutu ndi
-Luka 21:33

Amu kuuka mbooko nta wauya lwamaaurywa mmifurie ilya nndu afurie ndi kita vandu varume ni Iruva wwo vanderera veeitikwaa mMumuyo Nsongori.
-2 Petiro 1:21

Mitisirie misongori yoose yanniingio ni Iruva na mminuru ya ilosha nndu na imfunda na imwikimba na insongosia usumaniñ.
-2 Timoteo 3:16

Na firero fo namuia mfo fa mi-
kae ya Mumuyo, lingi mfa muu.
-Yohane 6:63b

Kyasia ini tereveñ kuri: Nde yeru kukee ifo iruvewu! Irina lyafu liindyo. Umangi lwafo lusher. Kilya kukundye kitanike kunu isangeñ sheeli kikee itanika ifo iruvewu. Kutiniinge nnu shoonga teru ta itisindisa. Kutitie na sile ta mareko eru, sheeli neese tikee itia valya vantirekyo, Kutatiotorye tiwe nreyoñ, kake kutuute fikasha. Amu kwakooya mutiaa vandu vengi mareko awo, na Nde yanu wa iruvewu amutiaa neeni. Kake kwakooya mutatiaa vandu mareko awo, nta na Nde yanu wa iruvewu amutiaa mareko anu neeni ndi. -Matayo 6:9-15

SHIYA YA IRUVA YA IKIRWA

Ntiñye nkira.

Amu woose vvarekwa na yanguywa ntikisi ya Iruva.

-Varome 3:23

Kristo ashifiiya.

Amu nae Kristo afwe limwi tubu kiimba kya mareko eru ye akee nsumani kafwa kiimba kyeru ise varekwa, amu atirwaa kwa Iruva. -1 Petiro 3:18a

Ntiñye nkuñrre mareko akwa.

Alli kurreñ na iilashika mirima yanu, amu fikasha fanu futwa fimuuke! -Varumi 3:19

Nkuti ñwarie Yesu na ikusura.

Kake valya woose vandew-

waria kavaniinga imakii lya iva vana va Iruva, wwo valya vakusurani na irina lyamwi.

-Yohane 1:12

Mmakii imanya ikirwa lyakwa.

Ulya akuwore na Mwana awore muu ito. Ulya atakuwore na Mwana wa Iruva awore muu uu ndi. -1 Yohane 5:12

Nkue nkue namuia: Nndu akee yaranya kirero kyakwa na ikusura ito ashirumie awwaria muu wa miřere na miřere, nta akiumisiqq ndi. Fulya anso-muka ufuñ kafika muuñ.

-Yohane 5:24

Published in numerous languages by World Missionary Press as God supplies funds in answer to prayer. If you would like more copies for careful distribution, write in English to:

World Missionary Press, Inc.
P.O. Box 120
New Paris, Indiana 46553 U.S.A.